



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epitome In Qvatvor Lib. Sententiarvm M. Petri Lombardi**

**Spina, Claudius de**

**Parisiis, 1551**

5. de eodem per comparisonem ad ministros.

**urn:nbn:de:hbz:466:1-38840**

EPITOME  
DE MINISTRO BAPTISMI.

DISTINCT. Quintæ  
CAP. Primum.

*Baptismus dari potest à bonis & malis ministris, & æquè datur ab utrisque.*

**P**ost hæc sciendum est sacramentum baptismi à bonis & malis ministris dari, sicut à bonis & malis sumitur. Nèc melior est baptismus, qui per meliorem datur: nèc minùs bonus, qui per minùs bonum datur, nèc maius qui per malum datur: nèc maius munus datur in baptismo dato à bono, nèc minus in baptismo dato à malo, sed æquale: quia nò est munus hominis, sed Dei.

Quod totum subditis declaratur testimoniis. August. ait, Baptismus talis est, qualis ille in cuius potestate datur, non qualis est ille per cuius ministerium datur. Itèm si in hæresi quacunq; vel schismate quisquam baptismi sacramentum acceperit, integrum sacramentum accepit: sed salutem, quæ virtus est sacramenti, non habebit, si extra Ecclesiam catholicam ipsum sacramentum habuerit. Debet ergo ad Ecclesiam redire, non vt sacramentum baptismi iterum accipiat (quod nemo debet in aliquo repetere) sed vt in societate catholica vitam

*lib. 1. sig. 17.  
7. l. 2.*

*Errat.  
237. b. l. 14.  
114. a  
2 ff. a.*

*Inter  
artic.  
mag.  
ex 4.  
de a  
septi-  
mum*



accipiat : Baptismus enim extra Ecclesiam nequit prodesse.

CAP. Secundum. Contulit Christus ministerialem potestatem hominibus dimittendi peccata per baptismum.

*Inter artic. mag. ex 4. vi de art. septimum.* Potuit Christus dare potestatem hominibus dimittendi peccata, non tamen ipsam eandem qua ipse potens est, sed potentiam creatam, qua servus posset dimittere peccata, non tamen ut author remissionis, sed ut minister, nec tamen sine Deo auctore, qui eius verbo velut quodam ministerio vteretur. Item posset Deus per aliquem creare aliqua, non per eum tanquam auctorem, sed ministrum, cum quo & in quo operaretur: sicut in bonis operibus nostris ipse operatur & nos: nec ipse tantum, nec nos tantum: sed ipse nobiscum & in nobis: & tamen in illis agendis ministri eius sumus, non auctores. Unde & Dominus dicitur sanctificare, & servus: sed Dominus invisibili gratia, servus visibili.

*Opera.  
245. a  
247. b.*

DE VSV ET SOLENNITATE huius Sacramenti.

DISTINCT. Sextæ  
CAP. Primum.

*Solum sacerdotibus conuenit ex officio baptizare, non sacerdotibus verò in necessitate.*

*Primò quãtum ad baptizantes, omnibus ne liceat baptizare.*